



N°24
Entrée le 16.11.2023
Chambre des Députés
Déclarée recevable
Président de la Chambre des Députés
(s.) Michel Wolter
Luxembourg, le 17.11.2023
Chambre des Députés

Michel WOLTER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 16/11/2023

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Mobilitéit weiderzeleeden.

Op den Autobunne fënnt een nach ëmmer Telefonsbornen, déi am Noutfall benotzt kënne ginn, wann een zum Beispill eng Pann op der Autobunn hat. Fréier, wou et nach kee Mobilfunknetz gouf an déi meeschte Leit keen Handy haten, waren dës Bornë sécherlech méi am Asaz, ewéi haut am digitalen Zäitalter.

An deem Zesummenhang wéilt ech dem Minister dës Froe stellen:

1. Sinn d'Telefonsbornen op den Autobunnen nach alleguerten aktiv?
2. Wat kascht den Entretien dovunner?
3. Wéi vill Mol si dës Telefonen an deene leschte 5 Jore benotzt ginn?

Mat déiwem Respekt,

GOERGEN Marc
Deputéierten



www.piraten.lu



Äntwert vun der Madamm Ministesch fir Mobilitéit an ëffentlech Aarbechten, Yuriko Backes, a vum Här Inneminister, Léon Gloden, op d'parlamentaresch Fro N° 24 vum honorabelen Deputéierte Marc Goergen zum Sujet "Bornes d'appel d'urgence sur les autoroutes"

Virop, verweise mir den honorabelen Députéierten op d'Äntwert zur parlamentarescher Fro N° 6665 vum 17. August 2022, wou op ähnlech Froe geäntwert ginn ass.

Sinn d'Telefonsbornen op den Autobunnen nach allequerten aktiv?

Aktuell ginn et 245 Nouttelefonen um Lëtzebuerger Autobunnsreseau, déi och allequerten aktiv sinn.

De Moment lafen awer Moderniséierungsarbechten, soudatt eng geréng Unzuel u Bornen zäitweis kënnen ausser Betrib sinn.

Wat kascht den Entretien dovunner?

D'Entretienskäschte vun deenen 245 Bornë belafe sech op ronn 10.000 Euro am Joer. Ze bemierken ass, datt d'Bornë mat Solarzellen equipéiert sinn an deementspreechend autark funktionéieren, also keen zousätzlechen Uschloss un de Stroumreseau erfuerderlech ass.

Doduerch dass Post Luxembourg den 2G- an 3G-Reseau zäitno wäert ausser Betrib huelen, ass aktuell eng Migratioun op de 4G-Reseau noutwenneg. Heiduerch entstinn eemoleg Käschte vu ronn 375.000 Euro.

Wéi vill Mol si dës Telefonen an deenen leschte 5 Joren benotzt ginn?

Säit 2018 sinn am Ganzen 1.126 Appeller enregistréiert ginn:

- 2018: 217
- 2019: 223
- 2020: 209
- 2021: 224
- 2022: 253

Et stellt ee fest, datt dës Appeller, déi zum Beispill 2021 ronn 0,6 % vun allen Noutriff uitgemaach hunn, iwwert déi lescht 5 Joer konstant bliwwen sinn.

Déi grouss Majoritéit vun den Uriff op den 112, déi vun enger Borne aus gemaach gi sinn, ware Meldunge vun enger Pann. Am Joer 2021 goufen awer och 6 Accidenter, 3 Bränn an 2 medezinesch Noutfäll iwwer eng Borne gemellt. 213mol gouf also eng Pann gemellt, oder et huet sech ëm en Test oder en techneschen Defekt gehandelt. D'Pannemeldunge leet den 112 un de CITA weider.

Lëtzebuerg, den 18. Dezember 2023.

D'Ministesch fir Mobilitéit an ëffentlech Aarbechten

(s.) Yuriko Backes